

21.11.23 - 21.11.23

11:00

Անցանց

Գրանցումը փակ է



[Պահպանել Google օրացույցում](#)

ԵՊՀ Պալեանների անվան դահլիճ

Նատոլինի Եվրոպական քոլեջը (College of Europe in Natolin) առաջարկում է Եվրոպական ուսումնասիրությունների միջառարկայական մագիստրոսական ծրագիր՝ ամբողջական կրթաթոշակի տրամադրմամբ:

Ս.թ. նոյեմբերի 21-ին՝ ժամը 11:00-ին, ԵՊՀ Պալեանների անվան դահլիճում տեղի կունենա այս աննախադեպ ծրագրի ու կրթաթոշակային փաթեթների վերաբերյալ տեղեկատվական հանդիպում ԵՊՀ և Եվրոպայի քոլեջի շրջանավարտ, Նատոլինի Եվրոպական քոլեջի հաղորդակցման մասնագետ և Վարշավայի Եվրո-ատլանտիկ ամառային ակադեմիայի (WEASA - Warsaw Euro-Atlantic Summer Academy) համակարգող Տաթևիկ Հովհաննիսյանի հետ:

Հանդիպման շրջանակում կներկայացվի ակադեմիական ծրագիրը, որը ներառում է՝

- մեկշաբաթյա 2 ուսումնական այց տարբեր տարածաշրջաններ,
- լեզուների ամառային ակադեմիա,
- լեզուների հավելյալ ուսուցման հնարավորություն (արաբերեն, անգլերեն, ֆրանսերեն, գերմաներեն, իտալերեն, լեհերեն, ռուսերեն, ուկրաիներեն և իսպաներեն),
- մասնագիտական կողմնորոշմանն ուղղված հանդիպումներ,
- մասնագիտական զարգացման թրեյնինգներ:

Առաջարկվող երկլեզու մագիստրոսական ծրագիրը համարվում է Եվրոպական ուսումնասիրությունների ամենաընդգրկուն միջառարկայական ծրագրերից մեկը Եվրոպայում:

Քոլեջն առաջարկում է կրթաթոշակային տարբեր փաթեթներ ՀՀ քաղաքացիների համար՝ Եվրոպական հարևանության քաղաքականության կրթաթոշակներ, Եվրոպայի պատմության ու քաղաքակրթության կրթաթոշակներ, լրագրության ու մեդիայի կրթաթոշակներ:

Բացի դրանից՝ Նատոլինում տրամադրվում է հավելյալ ամբողջական EU4Youth կրթաթոշակ Արևելյան գործընկերության երկրների, այդ թվում՝ Հայաստանի ուսանողներին ու երիտասարդներին:

Բացի որակյալ կրթությունից՝ քոլեջը տալիս է ինքնադրսևորվելու բազմաթիվ հնարավորություններ (կոնֆերանսների, սիմուլյացիոն խաղերի, տարբեր նախաձեռնությունների մասնակցելու միջոցով):

Նատոլինի ակադեմիական միջավայրին ծանոթանալու համար անհրաժեշտ է անցնել հետևյալ հղումով՝ <https://youtu.be/uB5sPdU8Z8M?si=bODKh0scaqE1fz8V>:

Ստորև՝ ուսանողական կյանքը պատկերող հատվածներ.

ուսումնական այցեր՝ <https://youtu.be/ykSsDD7DyH8?si=3OyIMWE6yn1LhyGj>,

ազգային օրեր՝ <https://youtu.be/Sd5qVCa1cTI?si=KhXxHlhiCz56oH8o>,

ավարտական շաբաթ՝ https://youtu.be/_TylpMG4dAA?si=Xej4cmCYus0tQc1f:

Կրթական ծրագրի վերաբերյալ այլ մանրամասներ հասանելի են անգլերենով՝ <https://www.coleurope.eu/natolin>

Հասցե՝ ՀՀ, ք. Երևան, 0025, Ալեք Մանուկյան 1

(+37460) 710000

info@ysu.am